



# KBC|Thuso

So492

Regd.No.19134/88  
<http://www.kbc.org.in>  
NAI/220/99  
No-G-4/Regd.Magazine  
/KBCThuso/MNP-81

Kum 57 Ihinna

Lhaphul/May 2020

## Nute Mopohna



*Pate Mopohna*

**JUNE EVENTS**

Environment Day - 7  
Pate Nikho - 21

"Kapa theng, eini pumkhat ihi bang a amaho jong  
pumkhat ahitheina ding un, Nangman amahohi hong in"

John. 17:11



**KBC Centre Church Sangaikot Hou in Thah  
kisah chahto kilhon a Pathen angsumg a kothon doh na  
thupitah leh Silver Jubilee kilom tah in ana kinei tan ahi.**



# CONTENTS

THUMAKAI HO

|                                                                  |    |
|------------------------------------------------------------------|----|
| 1. Nute Mopohna/ <i>Editorial</i>                                | 2  |
| 2. NUTE MANTAMNA LE PACHATNA/ <i>Ms. Lhingbem Haokip</i>         | 4  |
| 3. THIL THUM GUHTHIMA BOLDING HO/ <i>Pastor Seikhogin Haokip</i> | 6  |
| 4. Mission Column                                                | 8  |
| 5. Men Column                                                    | 11 |
| 6. Office Thuchinbu                                              | 15 |
| 7. GAMBIH LE CENTRE CHURCH THU LAHKHOM                           | 18 |
| 8. Office Diary                                                  | 22 |
| 9. THUSIM'A AMASAPENHO                                           | 24 |
| 10. LHAGAO HINKHO PUI HING THEI THUGOLHO                         | 25 |
| 11. Taona ngaicha                                                | 27 |
| 12. Reports                                                      | 28 |
| 13. Advertisements                                               | 35 |

## EDITORIAL BOARD

|                                                |                                                                                                                                                                               |
|------------------------------------------------|-------------------------------------------------------------------------------------------------------------------------------------------------------------------------------|
| <i>Chairman</i>                                | : Rev. Tonglet Haokip, President KBC                                                                                                                                          |
| <i>Editor</i>                                  | : Dr. M. Thongkhosei Haokip, General Secretary                                                                                                                                |
| <i>Joint Editor</i>                            | : Rev. Onkho Haokip                                                                                                                                                           |
| <i>Contributing Editors</i>                    | : 1. Rev. Thongkholun Touthang<br>2. Rev. Lamkeng Lhouvum<br>3. Rev. Tongmang Haokip<br>4. Ms. Tingneihing Kipgen<br>5. Rev. Lunkhosei Tuboi<br>6. Rev. T. Thangkhosei Haokip |
| <i>Layout, Design &amp; – Pu Lenboi Haokip</i> |                                                                                                                                                                               |
| <i>Circular Manager</i>                        |                                                                                                                                                                               |
| <i>Recorder – Ms. Nemhoichong Haokip</i>       |                                                                                                                                                                               |

## THUSO LAHMAN

Church/Organisation/ Department .....Rs. 300/-

Individual ..... Rs. 200/- (Post a Rs. 250/- )

The General Secretary,  
Kuki Baptist Convention,  
Opp. DM College, Imphal 795001, Manipur  
email: kbcindia@rediffmail.com

**Indian Overseas Bank, Imphal Branch**

A/c No. 073201000000350

IFSC No. IOBA0000732

Advertisement bolnom hon Mobile No. 70895979446 Contact thei.  
Circulation to kisai lam Mobile No. 9862107393 bol ding.

# Editorial...



## "Nute Mopohna"

Editorial

***"Nahingpa napa thu ngai jingin, nanu jong atehset tengle nahsah mon boldan. Thutah chu kichoh thon kijoh doh dan, chihna le hil-chahna chule hetkhen themna jong kichoh in. Midih chu apa nasatah a kipah thanom ding ahin, chapa chingtah kihimpa jong achunga kipah ding ahi. Nanu le napa kipa thanom sah jingin, nahingnu nanu chu kipa sah jing jengin. Prov. 23:22-25.***

Thumakai:

Amasatah in muntina um Kuki Christian chate jouse ahideh a KBC member ho jouse chung a i Pakaiyu Jesu Christa minin salaam kahnpe cheh uve. Tulha thupi chu "Nute Mopohna" ahi toh kilhonin, i houbung leh lhangpi hinkhoa sahphat ding tampi lah a Nute mopohna hi jong poimo tah khat in kagelin ahi.

Khatna ah, minute mopohna hi insunga aji aja-a, achate angailut a Pathen thua alam-kai ding ahi. Solchah Paul in Pasal in numei/

*aji angailut ding ahi atin, amavang numeiyn aji(pa) aja dingin ahilcheh e. Pasal in ajinu a kona ngailutna sanga jana angaichat dan hi het chen aphai. Numei kimkhat in aji mitmo-na aloi-apai chule pasal dangho henga jong aseidoh jin ahi. Pasal in aloi-apai masanga aji'n ahin seiset hi adeilou le akichat pen loi ahi. Pasal in ngailutna sanga jana kideijo/kingaicha jo ahi. Minuten aji (pasal) teho jana apeh diu mopohna anei uve.*

*Anina a, chate Pathen thu hilna dingin mopohna anei uve. Danbu nina bung gup chang lina a pat a kisei, "Ngaiyin vo Israel" kiti khu ivet leh atahtah a tongdoh theihi mipa sanga nute ho joh hidingin ginchat ahi. Pathen ngailut ding le chate Pathen thu seipeh a lunglut tah a hil ding hi amonga nute mopohna ahi. Nute in angailut ho chu achaten angailut jiu ahi. Pathen ngailu minu ahiu le achate jong chutima hidu ahi. Chate'n "Henu kei chapang kahi lai chun, Pathen thu'n eina hil jing le chun..." tia vai khonunga ahin sei na lou dinga tu kiti phat a pan lah ding mopohna aneyun ahi.*

*Chuleh, minu ahinauva jana le ngailutna neiding hi chungu Bible in eithumop nau ahin, abol ho dinga phatthei channa hitei ding tahsan ahi. Lunglut tah a sim jouse chungu Pathen vangpeh chang taken.*

# NUTE MANTAMNA LE PACHATNA

*Ms. Lhingbem Haokip*

*Warden, Lydia Resource Center*

## ARTICLE

### Asung thu umdol:

1. Numeipha nu chondan le amantam dan (Verses 40:10) :- Leng Lemuel in numei jinu phatah kon akimujou ding ham tihi lungdong tah a asei ahi. Numei phatah nu chu aman tamdan leiset chung a thilman tampen sanga (gold) sanga hoija mantamjo ahi. Hitobang mantam chu koiham? Jesu Christa a penthahna nei, mopohna ho jouse jou nu chu ahi. Proverbs 19:14 in aseijin; Inn le lou neite gou hi pu le pa akon ahin, numei ching vang Pathen thilpeh ahi.

2. Inneipu ding kison pi le monpi um (Verses 11,12,23):- Minupha ahi hi ajipan kisonpi nan aneijin, ajipa hi gamlha tah a um jongleh lung-olmolou ahi. Partner tamtah hi kisonpi theilou le monpi

umtheilou atam e. Hiche numeipha nu hi anatoh athilbol jouse chu ajipa dinga lunglhaina ahi. Amanu jalla ajipan phattheina tampi akimu theijin ahi. Ahinkho lhum keijin ajipa setna abolpoi. Ajipa dinga kithopi phapen ahijinge. (Gen. 2:16) Amanu kitahna-agunchuna, achonphatna ho jouse jallin ajipa hoilaiya che jongleh mijousen ahesoh keijin ahi. Minupha in a-inneipu asem dan seiju hite. USA President dinga Bill Clinton ahung kaidoh chun mihon a inneipi Hillary Clinton jah a "Navangpha e! President jinu nahi chu" atiuvin ahileh, Hillary in Bill Clin-

ton toh kicheng hih jongleng kajipa USA President kahisah thou thou ding ahi ati. Inneipu kithopi/semdoh chu nute mopohna ahi.

3. Chate chung a mopohna (Prov.15:27) :- Numei ching nu hi ajan janin akithouvin, achate neh ding asempeh in, insung nungah jouse jong tohding ape jie. Insungmite lamlahna jouse phatechan avetoh dem in moh um a thaset man'a an moh neh ding agelpoi. Achate anaote chung a vaihomna kituptah aneijinge. (Prov. 22:6) ah; Chapa chu achonna dingdol

a kilom in khoukhah in chuti leh ateh geija jong asuhmil loud-ing ahi. Chate phatah a hiltup le vettup hi minu dinga mopohna lentah ahi. Chate hi hilthei-phothei ahipet a phatah a vet-kol ding, Chate hi Pakai peh gou mantam, vangam a pohlut ding chu ahi.

4. Sum le pai (Economy) insunga mopohna (Verses 13-14, 16-19):- Khut chimlouvin na atong in insunga nihchen-ponsil, neh le chah asutup jinge. Loumun achodoh in, akhut mong mong-gin lengpi lei abollin aban jong ajegah teh jenge. Inchen-kho-sahna lam ah insung nasatah in avetup jinge ti akimui. Moh a um a an neh ding agopoi. Inchen semthem tah ahi. Ama-nu natoh thilbol jouse hi mitin in ahen, aphatchomdan hi kong innei tobang ahi.

5. Midang chung a thilpha bol (Charity) Verse 20:- Mivaichate hunan akhut alhangin ahi. Angaicha um jouse akithopin ahu jinge. Nute hon midang chung a thilpha ibol dingu ahi. Ivel uva meithai-pagong, chat-mo-lhasam, vaicha-genthehi ho huna'a pan ilah dingu ahi.

6. (Verses 21-22,24,25) Numei-pha nu in ama le a insungmite asemkup jinge. Thahat le gunc-huna ama nei dinga ponsil to-bang ahin, khonung a dingin jong kigontupna anei jinge.

7. Lei mandan thep ding. (Verse 26):- Hiche numeinu hi kampao mandan athem e. Chingthei ta-hin akam kan mi khoto a mihil dinga lei jong akileh pel jenge. (Jacob 3:2); Na thu a kipalna neilou chu mipha chamkim ahi. Ama chu ati apumpia jong tuhtanga athua heithehi ahi. Nute hi ikampao man le ithusei-doh hou hi mite dinga kipana le damna ahi angaije.

8. Pakai gingjing nu chu pachat chat dinga lomtah ahi. (Verses 28-31):- Pakaiya kingai jing minu chu aji, achate ahung kip-atdoh uvin "Numei nunnom nu ahi" atiuve. Numei tamtah in thil phatah tah abol uvin ahivangin nangman amaho nakhokhel soh hel e atiuve. Hitobang thil-pha bol nu chu Van khopia atohphatman in angah jingin ahi.

### Conclusion:

Pakaiya ngailut um Houbung mite/nute ho jouse Pakaijin damna phat eipeh lai uva hi ijochanna iji le icha chung a mopohna ichanna chung uva i-insunga iteh-ikhang chung a imopohna, midang chung a thilphabol, lhagao mangthai ho khohsahna a pan ilah jing dingu in ikitem uve. Insunga iji ichate pachat ichan teng uleh Pakai jong lunglhai jeng ding ahi. Minu pachat um Pakai gingjing nu hiding in Pathenin phatthei iboh cheh tauhen.

# THIL THUM GUHTHIMA BOLDING HO

(3 Things We Should Do In Secret)

Matthew 6:1-18

*Pastor Seikhogin Haokip*

*Lecturer Shalom Theological Seminary*

## Sermon

### Thumakai:

Tulai vannoi leiset a khangtou tan, hijeh chun mihem khat thilbol hi second khat le nikah a mutinna kithe thang nathei phat chu ahi tai. Hijeh hin minset jong bailam cha kimu thei minphat jong hiti ma chu ahi kit in ahi. Hiti ho jouse hi social media khantouna le thahatna jal ahin kijahmat tona (communication) lampanga seidin social media hi aphachom mama jengin ahi. Ahin iki chihthei lou-uva ahileh bailam taha mankhel nathei lampi jong nailam cha umji ahi. Matthew bung nga apat bung sagi sunga hi molchunga Jesu thuhil (Sermon on the mount) tin aki he hichea hin Pakai Jesun mihem te chonding dan tampi aseiyin ahi. Ahin thilthum hi guhthim ma boldingin eihil uvin ahi. Adeh in Christian te/ Houbung mite hon hiche thil thum hohi ibol tengule mihem hetkhel khel ngailouva ibol diu ho chu:-

**1. Pathenna Thilpeh a Thilpha Bol (Mat 6:1-4):** Na chophatnau chu mihon amuna dinguva amasanguva nabol louna dinuvin chingthei-yun; chutia nabol ule vanna na-Pau komma sanding kipa man neilou nahiu ve. Hijeh chun mithil napeh tengle mi pachat ding ngaito nan mipha lhem ho bang hih un, ajeh chu amaho khun kipaman akisanu ahitai. Nangma vangin mi thil napeh teng nakhut jet lamin abol chu nakhut veilam hetsah hih-in. chuti le bou nathil peh chu guhthim

hintin, guhthim ma mua na-Pan nangma nasah ding ahi.

Chunga Bible changa kisei hi tulaitah eiho dinmun a hi phatah ithah vetuva ikithah kholdiu kul kasa lheh jengin ahi. Thilpeh-a thilpha bol hi eiho jong ipon pan lheh jenguvun Pathen jong lunglhei inte ti kagingchan ahi. Ahin mi kon khat chun hopsom hihen, maicham hihen, mission a ding hihen genthei vaicha ho

kithopi hijongle ithil pha bolu chu mipi hon ahet loule bulhing lou tobanga gel-ium jiu vin ahi. Receipt amu lou jeha abanna penom talou-List laha amin ajaolou jeh a penom talou- secretary pan amin aphon hai jeha penom talou. Houbung whatsapp group a ahung kiso lou jeha- tiho issue hi eiho lah a tampi aum jin ahi. Hitobang lungel chu Pakai Jesun kipaman sanding anei louding

ahi tin aseiyin ahi. Hijeh chun thilpeh a Pathenna itoh tengule guhthim chan bol utin Pathen alunglhei theina dingin Jesu Christa thuhil bangin guhthim chan bol uhite.

**2. Pathen Henga Taona ( Mat 6:5-15):** Nangvang natao tengle na insung dana lut'in lang chule kot khah-in guhthim ma na-Pa henga taovin, chuteng guhthim-ma mua na-Pan nangma nasah ding ahi.(Mat 6:6)

Taona kiti jonghi Mihem komma kitao ahi loujeh in guhthim ahi channa Pathen in adei ahi dan Jesu-Christa thuhil a kon mudoh thei ahi. Indan sunga lut in kot-khah in ati hi indan sung khel khel a tao tei tei ding tina ahi deh pon ahi. Ahin hoilai mun hijong le natao tengle phalhem hih in amavang nalungil in guhthim in Pathen henga taovin tina ahi jon ahi. A chomlam ma seidia chu mihem ho pachat hol louding Pathen pachat joh holding tina ahi.

**3. An-ngol ataona ( Mat 6:16-18):** Nangma vangin an-nangol tengle na-anngol chu mi hetsah louvin, guhthima um na-Pa chu na-an ngol hetsah theina dingin nalu thao nunlang namai jong kipheth in, chuteng guhthimma mu napan nasan ding chu napeh ding ahi.

Ann ngol-a tao kiti hi Pathen henga thilkhat mutei nadia kiseh

gimma tahsa ngaichat nuse-a Pathen komma tao aki hi jeh in hiche jong hi mihem het-a po-imolou ahi. Mihem hon eimu-sang nadingle seiphat channa dia l anngol miho hetsah tei tei ding tiho hi Pathen thu to kitoh behlou ahi. Chule tulaiyin mitampi in Sunday ni jingkah le an ingol jiuvin-ineh sih u Houin a ichoi jiuvin ahin eima ho hotel a iki vahva set jiuvin ahi. Hiche-jong hi thahgel dia kadei khat chu ahi. Ibol jouseu hi adih taha Pathen deiya ibol lou uva ahileh tohphatman imu loudiu ahi.

**Khumkhana:** Chunga ihinsei u point thum hohi dihtah a ibol tengule thutah a Pathen hou kiti chu ihi diu ahi. Tulai hin Christianity hi society khat le kiloikhom nakhat meimei danin a um tan, houbung sunga thil kibol dan le mihem ho lungput dan hi chung-a -Pa mupha aki lhom lleh tan thilkhat ibol tengule Pathen sangin miho pachat le seiphat hol hi aki tam cheh cheh dan in aki langin ahi. Hijeh chu hiche article simho jouse komma iki tepna nom uchu ahile, nathil peh hihen, nataona hihen, na-an ngol hijong le miho ho seiphat channa dia bollouvin vanna um l-Pau Pathen ithilbol sanguva lenjo le nasa joa lethuhna eipe thei pao seiphat le hetpeh dingjoh hi gel thupi jo tao hite tihi ikitiem nao ahi.

# Mission Column

## Thumakai

*Rev. Lamkeng Lhouvum  
Secretary Mission*

Pathen lungsetna na jal'a Kuki Baptist Convention tunichanin ikiman chah nao ama chal jingin Pathen thang vah in um hen. Hijeh chun tunin achesa Lha April leh May Lhasunga kimanchah nah o them khat kahin tahlang nomin ahi.

Ichenao gamsung'a Covid-19 jeh in Gamsung pumpi Lockdown um jong leh Mission Board hon jong jo chanin kiman chahna akineijin ahi.

### 1. Elijah Prayer Mountain Gothol mun'a Kichen kisa.

Achesa April Lhasung'a Go -le hui kitho jeh'a Taona mol a Kichen Huijin amutset tah jeh in, Mission Board in gelkhomna akineijin Kichen aumsa hi aneovin chuleh ase ding kon ahitah jeh in athah beh'a sah doh ding gellhahna akineitan ahi. Hiche sah doh na ding'a hin a) Missionary Thangkholun Kigen Head Mistry hina in, Missionary Mr. Chochon Haokip, Missionary Mangcha Haokip, Evangelist Jamthang Haokip chuleh Pu Zilkholun Care Taker amah o cheng kitho khomin inthah asaovin ahi.

### 2. Mission Board Tour Program 3rd May 2020

**a) Saheibung B/C KBC No 7** Pathen lungset Mission Board in Tour program akineijin ahi. Sunday jingkah a hin Saheibung Baptist Church a Houin kaikhomna nomtah a kiman chahna akineijin ahi. Houbung miten Pakai min'a eina lam tout oh kilhonin ana neh tuidon eistem peh un ahi. Saheibung Houbung mite hin Tukum 2020 May lha a kipamn'a Houbung mission sponsored khat hina din Lhaseh'a Rs. 5000/ pe dingin phondohna anei taovin ahi. Hiche nikho hin kum'a share jong Rs. 30,000/ ahin peuvn chuleh Monthly support jong Rs. 20000/ ahin peuvn ahi.

**b) N. Boljang B/C KBC No. 7** Sunday sun hin N. Boljang Houbung'a akikal songin ahi. Houbung miten, Fasting Prayer aneiju toh kilhonin, kaikhom na program vang akineinthei tapon ahi. Hi jong Houbung lamkai hon eina lemun chadon khomna akineijin ahi. Chuleh Houbung miten jong Mission share ho jong ahin peuvn ahi. Pathen in Houbung phat theiu boh jing taohen.

c) Khoken Baptist Church KBC No. 7 Sunday nilhah in Khoken Baptist Church a kiman chah khomna akineijin ahi. Houbung mite toh Mission natoh kithokhom ding thu a ki houlimna akineijin ahi. Chuleh Nilhah an neh tuidon jong kitup tah in Houbung hone i bol mpeh un ahi. Pathen in Houbung phat thei boh jing taohen.

### **3. Mission Board in Individual Sponsored bol ho vilna kineita.**

Achesa nisim 5th May 2020 chun Mission Board Pu Thangkholun Haokip Vice Chairman lamkai na in Pu Haopu Singsit, Pu S Onkhomang Haokip chuleh Pu Haojakam Doungel ho chengin, Missionary Sponsored bol ho vilna leh taopeh na akineitan ahi. Hiche nikho hin KBC Centre Church B. Vengnom hon jingka Break Fast eina bol peh un kipah tah in eina lam touvin ahi. Chuleh Mission share jong eina peuvn ahi.

**1) Miss Grace Them Haokip Centre Church B. Vengnom**, amahi Electric Department'a natong ahin Pathen in natoh phatah eipen tin aman jong nungah khangdong hoilai tah hin Individual Sponsored ahin bollin, Mission Board hon taopeh akineijin ahi.

**2) Pi Nenem Haokip w/o Thanghem Haokip Centre Church B. Vengnom** amah in Pathen in Phat thei eiboh na a inum Bazar in akisan hichea kon'a Mission natoh na kanei ahi tin Board in Taopeh na a kineitan ahi. Pu Thanghem Haokip a houlim na a chun Missionary ding'a kipedoh aum bang hin Mission sponsored di jong kipedoh ding hung tamcheh cheh leh ti kataona ahi ati.

**3) Pu Seicha Chongloi leh Insung mite Centre Church B. Vengnom** Insung mite jong Pakai phat thei boh chana kipa na jal'a Mission Sponsored hung pan ahi nao thu aseijun ahi.

**4) Pu Chanthoi Ailmol ADC EM** ama jong KBC Men Department Missionary Sponsored khat ahi. Amah in ADC ahung kai doh thei kipana jal'a Mission sponsored hung pang ahidan aseijin chuleh tukum 2020 sung'a jong kipah tah'a kapan jom ding ahi atin ahi.

**5) Women Department Centre Church B Vengnom** Houbung sunga Department tampi um jong leh C/C B Vengmon Nute jong kipah tah in sponsored khat in ahung pangun kipa thu aki phongin ahi.

**6. Taona mol vilna** Individual Sponsored bol ho visit akibol na ban'a Centre Church S Canaan Veng, Gambih No. 8 Gambih centre ho jong vilna ahung kineijin ahi. Chuleh nilhah lamin Taona Mol'a akichen, Missionary ho natoh ho vil lhahna akineijin ahi. Chuleh Mission Baord member Pu S Onkhomang Haokip in Bongsakg 7 acho in natong ho ana neh khom pina akineijin ahi.

### **Houbung leh Individual Mission sponsored bol ho:**

#### **a) Houbung level'a Missionary sponsored bol ho:**

Houbung min'a sponsored bol ho hi alhang pia Convention in amah o share akipeh hoc hung chon'a Mission natoh pohnatna jal'a

sponsored hin bol ahiuvin amah o jouse chung'a kipa thu sang tah in akiphongin ahi. Anojia hin Houbung min kahin pen ahi.

- |                                     |                                                  |
|-------------------------------------|--------------------------------------------------|
| 1. T Champhai B/C KBC NO. 8         | 2. S. Molcham Baptist Church KBC NO. 8           |
| 3. Lonpi Baptist Church KBC No. 21, | 4. Zomi Villa B/Ch Imphal (Independent Church ). |
| 5. Saheibung Baptist Ch KBC NO. 7   | 6. Litan Sareikhong Baptist church KBC NO. 2     |
| 7. KhodengThabi B/ Ch. KBC No. 15   | 8. Women Department KBC C/C B. Vengnom ahi.      |
| 9. Zalenbung B/C KBC NO 2           |                                                  |

**b) Individual Mission sponsored bol ho :**

|                                           |            |            |
|-------------------------------------------|------------|------------|
| GI Thangminlen Touthang MBC /C/C NL       | Lhakhat a  | Rs. 10000/ |
| Pi Nenem Haokip C/C B. Vengnom            | Lhakhatna  | Rs. 5000/  |
| Pi Juliana Dounel C/C NL                  | Lhakhatna  | Rs. 2000/  |
| ( May chun Rs. 50. 000/ apen ahi. )       |            |            |
| Pu Seicha Chongloi C/C B Vengnom          | Lhakhatna  | Rs. 4000/  |
| Pi Chiunneivah Haokip Moreh B/C ( MBC)    |            | Rs. 3500/  |
| Nu Vahneilhing Khopinom C/C Molnoi Area   |            | Rs. 3000/  |
| Pu Demsei Haokip Moreh B/C No 15          | Kum khatna | Rs. 30000/ |
| Evangelist Hemlun Haokip Langgol          | Lhakhatna  | Rs. 2000/  |
| P S Haopao Haokip Moreh B/ C              | Lhakhatna  | Rs. 2000/  |
| Ms. Lucy Lenthang , C/C New Lambulane     |            | Rs. 2000/  |
| Ms. Kimnei @ Toto Haokip Gb. 21 kum'a     |            | Rs. 20000/ |
| Seikhulun Haokip Aibol Joupi KBC No. 13   | Lhakhatna  | Rs. 1500/  |
| Nu Hatkhohling Haokip Gamphajol No. 14    | Lhakhatna  | Rs. 1000/  |
| Pi Moite Dounel C/C New Lambulane         | Lhakhatna  | Rs. 1000/  |
| Ng. Grace Them Haokip C/C B Vengnom No. 8 | Lhakhatna  | Rs. 1000/  |
| Pu Thangkholen Haokip Litan No. 2         | Lhakhatna  | Rs. 1000/  |
| Pi Panem Haokip C/C New Lambulane         | Lhakhatna  | Rs. 7000/  |
| Pu Thenkholal Haokip Tuilelon No 12       | Kum'a      | Rs. 10000/ |
| Pi Palhing Chongloi c/C NI                | Lhakhatna  | Rs. 500/   |
| Pi Nengja Khongsai , Lonpi khonou B/C     | Lhaseh a   | Rs. 500/   |
| Pu Hemlun Haokip Haolenphai No 15         | Kum a      | Rs. 2000/  |

Amah o jouse chung'a kipa thu iseijun chuleh koitobang hijong leh jo kham kham'a Mission partnership a sponsored a pang ho jouse chung'a kipa thu sang tah in aki phongin ahi. Pathen in hong phal tah'a pan alah nao chung'a phat thei boh jing tao hen.

Pathen KBC Gamsung'a Mission na itoh nao chung'a Phat thei ei boh jing tao hen, Kakipah e

Pakaiya natoh khompui  
Rev Lamkeng Lhouvum  
Secretary, Mission & Evangelism, KBC

## Men Column

### Men Department Thudol Hetna

*Rev. Tongmang Haokip*

*Secretary Men Department*

Muntinna um Pate ho jouse le Houbung mite jouse nabon chaovin Pakai min'in Salam kahin bol'e. Pakai Lengpi leiya tohkhompil Gam-bih le Houbung tinna Pate Chairman, Secretary, work Committee chule muntinna Pate jouse, tukum Gamsung netchena Covid-19 jeh in Pakai Lenggam na etohkhom nao jong ahina bang tah in na akitong thei tapon, aphamo l'eh jenge. Hijongle Pakai lenggam natoh hi vadung tuilong atant'hei loubang'a Pakai lenggam natoh jonghi atant'hei ahipoi. Hijeh hin muntinna um Pate, Pakai Lenggam na etoh'u amachal jingna thei dingin, Office langa pehdinga lomho jouse hinpe cheh dingin Pakai minin temna le hetsahna kahin nei e. Tukum sunga Pate khat'in epeh dingho:

1. Tukum Lom Resource Centre mun'a Pate Asssembly'a kinoptona dungjui'a, Pate Member khat'a Rs 100 chule Lom Resource mun'a natoh nadinga Pate khat'in Rs 100 agomma Rs 200 only bou hiding ahi.
2. Pate PMF pelou lai jousen mikhat in Rs 200 chunglam cheh apeh ding chule kipa vetsahna'a certificate jong kipe ding chukitle koi tobong Rs 1000 chunglam pejouse kipa vetsahna'a hetjingna Memento le certificate khatcheh toh kipeh tha ding ahi.
3. Tukum sunga Houbung tinn'a Pate in Anngol taona khatvei cheh neiding, offering le anngolna annchang man ho Office langa thah chehding ahi. Chule tuchann'a hinbol ho chungla kipathu akiseijin chukitle tuchan'a manglou laihon jong aganna thei pen'na emansoh kei ding uvin Pakai min in temna le hetsah na ahung kinei kit in ahi.
4. Tuni chann'a pehdinga lomho atamjon epeh nailoujeh uvin; Pate in Missionary mithum (3) egoiho jong tunichan geiyin akham kham'a sum le pai pehdinga lomho jong akipe thei tapon chule Lom Resource Centre mun'a Care taker pa lha lojong jong akipe thei tapon ahi.

Hijeh hin kumsunga epeh ding uva lomho jouse hi ehingelkhoh cheh uva Pakai lengpi leiya etoh khomnao machal nadingin hinpe cheh ding uvin Pakai min'in temna kahin neiye.

Pakaija natoh khompiu

Rev Tongmaang Haokip, Secretary, Men Department, KBC

# PATE NIKHO THUDOL HETSAHNA LE SPEAKER DINGHO

1) Amasan Pakai min'in ka ngailutna salam kahin peouve. Ahung lhung ding Dt 21-06-20 (Sunday) hi K.B.C. Events calendar dung jui'a Pate nikho ahitoh lhonin, hiche Pate nikho thupi hi "Pakai jin thilpha chu navetsah ahitai" (Micah 6: 8) hiding ahin muntin a houbung jouse in hoitah'a ana mangkhom cheh ding in temna ahung kineiyie.

2) Houbung jousea Guest Speaker, ahung kisol joupon, Pakai lha-cha phabep le Worker khat le ni mun phabep a sol ding in ahung kigong in, ngailutna neitah'a ana kimankhom pi cheh ding in temna ahung kineiyin chule anneh twi don le cholam jong ina gonpeh cheh dingun Pakai min in kahin tem uve. Speaker hung kisol theilounahoa jong Men Department le Houbung miten thanom tah'a Pate nikho inaman cheh dingun, Pakai min temna kahin neije.

3) Pakai min'a hung kalsong Pakai lhachapu hi ,Men Department a Office langa pehding'a lomho le Pate Nikho offering jong nahin pohsa cheh dingun Pakai min in temna kahin nei kit e.

## Speaker dingho le achen dinghou

### Ache dingho

1. Rev. Tonglet Haokip, President KBC
2. Pu Jamlal Zou, Vice President KBC
3. Rev. Dr. Hawlngam Haokip, Emeritus Gen.Sec
4. Rev. Dr M. Thongkhosei Haokip, General Sec.
5. Rev. Thongkholum Touthang, Finance Secretary
6. Rev. Thangkhosei Haokip, Literature Secretary
7. Rev. Tongmang Haokip, Men Secretary
8. Rev. Helkholum Lhouvum, M/E Secretary
9. Rev. Lhunkhosei Tuboi, Youth Secretary
10. Rev. Onkho Haokip, Dev. Co-coordinator
11. Pu. Lienboi Singsit, President Men/Deptt.
12. Pu. Thangtinhen DOUNGEL, V.President Men/Deptt.
13. Pu Jampao Baite, Men Work Committee
14. Pu Nohsei Haokip, Men Work Committee

### Achen ding mun

- C/C Salem, Sapormeina, Gb.4
- Molnom B/C, Gb 16
- C/C Tuiboung, Gb.8
- C/C B.Vengnom, Gb.8
- C/C Neishiel Veng
- Tuinom B/C, Gb.9
- Twilelon B/C, Gb.12
- T.Champhai B/C, Gb.8
- Teijang B/C, Gb.12
- Chahkap B/C, Gb.12
- Khoken B/C, Gb.7
- Kholep B/C, Gb.4
- G.Khomunnom B/c, Gb.11
- N.Songlung B/C, Gb.4

15. Pu Peter Ngamsei Haokip
16. Pu S.Athang Haokip M/E President
17. Pu Thangkholun Haokip M/E V.Chairman
18. Pu Dr. Ngamkhai Mate, Chairman, Education Board
19. Pu. Haopu Singsit M/E B/ Member
20. Pu. Neka Vaiphei M/E B/Member
21. Rev. Ngamjapao Haokip
22. Rev. Seitinmang Vaiphei C/C NLB
23. Rev. Thongkhongam Haokip C/C Langol
24. Pr. Thangneo Haokip C/C NGV
25. Pr. Lunlal DOUNGEL C/C Canaan Veng
26. Pr. S. Hemkholen Haokip C/C Haokip Veng
27. Pr. Zamminlen Kipgen, C/C Lamphel
28. Pr. Thangtinsei Haokip, C/C Leimakhong
29. Rev. Lunjalun Khongsai, C/C B.Vengnom
30. Rev. Lunkholal Haokip, C/C Tuibong
31. Rev. Paolun Haokip, C/C S.Kanaan Veng
32. Rev. Mangpi Haokip, C/C Hilltown
33. Pr. Thongchinglen, C/C Singat
34. Rev. Jangkolen Haokip, C/C M.Thingjaboung
35. Rev. Lettinlal Chongloi, C/C Molnoi Area
36. Pr. Tingoulun Haokip, C/C Sangailot
37. Pr. Thangtinlal Haokip, C/C Chavangphai
38. Pr. Mangjapao Haokip, C/C Chassad
39. Pr. Seiminlen Haokip C/C Salem Saikul
40. Rev. Ngulpao Haokip, C/C Salem Sapormeina
41. Rev. Letpu Kipgen, C/C Kangpokpi
42. Pr. Seikholen Kipgen, C/C Molkon Bazar
43. Pr. Hemkhomang Tuboi, C/C T.Vaichong
44. Pr. Paogoumang Chongloi, C/C Zoujangtek
45. Pr. David Jangkhogin Chongloi, C/C Haolai Khopi
46. Pr. Letkhohao Haokip, C/C Neihsiel Veng
47. Rev. Tunlal Haokip, G/no.1
48. Rev. Satminlen Khongsai, G/no 2
49. Rev. Henjalun DOUNGEL, G/no.3
50. Rev. Khuptinlal Hangshing, G/no.4
51. Pr. Thangminlal, G/no.5
52. Pr. L.Letminlal, G/no.6
53. Pr. Th. Letkhoson Haokip, G/no.7
54. Rev. Dr. Paotinthang Chongloi, G/no.8
55. Rev. Tonglal Haokip, G/no.9
56. Rev. Thangkhogin Touthang, G/no.10

- Pangjang B/C, Gb.3  
 C/C Zoujangteh, Gb.7  
 S. Molcham B/C, Gb.8  
 Molkpheitampak B/C, Gb.8  
 K. Songlung B/C Gb 1.  
 Mongpijang B/C Gb 4.  
 C/C NGV, Gb.1  
 L.Sareikhong B/C, Gb.2  
 B/C Chassad Avenue, Gb.1  
 L.Songphel B/C, Gb.1  
 Semol B/C, Gb.2  
 Molkon Khopi B/C, Gb.3  
 Monglham B/C, Gb.1  
 Sipijang B/C, Gb.1  
 Mata Lambulane B/C, Gb.9  
 Leijang Khopi B/C, Gb.8  
 Kipgen Veng B/C, Gb.8  
 S.Gangpijang B/C, Gb.9  
 Haijang B/C, Gb.10  
 Songdo B/C, Gb.8  
 Chahmol B/C, Gb.16  
 Jangmun B/C, Gb.11  
 Haolenphai B/C, Gb.15  
 C/C Chassad, Gb.17  
 Khomunnom B/C, Gb.3  
 G.Gelbung B/C, Gb.4  
 Songjang B/C, Gb.6  
 Gampum B/C, Gb.3  
 Govajang B/C, Gb.6  
 Tingkai B/C, Gb.7  
 Kulbung B/C, Gb.9  
 Tonglhang B/C Gb.8  
 C/C Canaan Veng, Gb.1  
 C/C Lamphel, Gb.1  
 C/C Salem Saikul, Gb.3  
 C/C Leimakhong, Gb.1  
 C/C Tujangvaichong, Gb.5  
 Kotlen B/C, Gb.6  
 Thangbuh B/C, Gb.7  
 C/C New Lambulane, Gb.1  
 H.Kholen B/C, Gb.9  
 C/C S.Kanan Veng, Gb.8

57. Rev. Paosei Haokip, G/no.11 C/C Sangaikot, Gb. 11
58. Pr. Lunkhongam, G/no.12 Aigejang B/C, Gb.12
59. Rev. Letkholai Haokip, G/no.13 Khangborol B/C, Gb.13
60. Pr. Lamkhogin Haokip, G/no.14 Molcham B/C, Gb.14
61. Rev. Thanglen Haokip, G/no.15 C/C Chavangphai, Gb.15
62. Pr. Thangkhomang Haokip, G/no.16 C/C Molnoi Area, Gb.16
63. Pr. Paominthang Haokip, G/no.17 Molvailup B/C, Gb.17
64. Pr. Letjakai Singson, G/no.18 Khoding B/C, Gb.18
65. Pr. Ngamkhopao Lhungdim, G/no.19 E.Mulam B/C, Gb.19
66. Pr. Mangboi Kipgen, G/no.20 Bongmol B/C, Gb.20
67. Rev. Onthang Haokip, G/no.21 Lonpi B/C, Gb.21
68. Rev. Hemkholun Haokip Saivom B/C, Gb.16
69. Rev. Henkholen Kipgen Saitu B/C, Gb. 4.
70. Pr. Mangkholen Kipgen, Urban B/C New Keithelmanbi B/C, Gb.7
71. Rev. Kaikhokam Chongloi C/C Hill Town, Gb.9
72. Pr. Jamkhohao, Principal Dr. Colvin S.Khodengthabi B/C, Gb.15
73. Rev. Dr. Letthang Haokip, Principal MTC C/C Kangpokpi, Gb.5
74. Rev. Dr. Paul Paolen Haokip, MTC Moreh B/C, Gb.15
75. Rev. Dr. Paokhohao Haokip, STS Senam B/C, Gb.16
76. Pr. Jamthenlal Haokip, STS Phaijang B/C, Gb.4
77. Pr. Ginneo Haokip, STS K.Molpi B/C, Gb.19
78. Rev. Letminthang(Mimin) Haokip Missionary China Khopijang B/C Gb 21 .
79. Evan. Jamkhohao, M/E Asst. Gangpijang B/C, Gb.19
80. Evan. Hemlun Haokip Saijang B/C, Gb.3
81. Evan. Lalbem Kipgen Kulbung B/C, Gb.9
82. Evan. Paolam Kipgen C/C Thingjabong, Gb.8
83. Evan Thangboi Kipgen Zalenbung B/C, Gb. 2
84. Evan. Lamthang Haolai Phaijang B/C, Gb.4
85. Evan. Jamthang Haokip Yangngoubung B/C, Gb.14
86. Evan. Zillun Haokip Matijang B/C, Gb.8
87. Rev. Ch. Chungkholet Gopibung B/C Gb 5.
88. Rev. N. Baite G. Songlung B/C Gb 4.
89. Rev. ST. Onmang Haokip C/C Singat, Gb.10
90. Rev. Seilen Haolai Maohing B/C Gb.5
91. Rev. Thangsai Kipgen Keithelmanbi B/C, Gb.6
92. Rev. L.Amang Haokip C/C Haokip Veng, Gb.1
93. Rev. Tongjam Haokip C/C Haolai Khopi, Gb.8
94. Rev. Paojangam Haokip Urangpat B/C, Gb.2
95. Rev. Khupthang Kilong Saisijang B/C, Gb.19
96. Rev. Demkhoneh Doungel C/C Langol, Gb.1
97. Pu Onthaang Haokip, Devp.Asst. (India Coloboration) Maphou B/C, Gb.1
98. Pu Thangboi Haokip, Dr. Colvin, Acct. M.Chahnou B/C, Gb.15



# THISAN ANA PHALDOH LHON



Imphal khopi sung'a tahsa dammo hung kijenho in thisan angaichat vang uvin Lockdown jeh in thisan lahna ding aum theipon, hitobang'a boi laitah in Pastor Thanggoumang Haokip, Medical Chaplain le Ng. Nemhoichong Haokip, PA to General Secretary in thisan ana phal doh lhon in adamlou mi phabep in damdohna in ana nei thei uvin ahi. Akhohpet tah a thisan phal ngam a panla sopiteni Pathen in phatthei boh jing lhon taken!

# Office Thuchinbu

## (April - May)

**1. April 5: Covid** – 19 natna jeh'a muntin'a houin kaikhomna aum thei tahlou toh Ihon in KBC Office Secretary-ho in Online Sermon ahingon'u ahung kilhapan in ahi.

**2. April 7:** Rev. Y. Haokip, former General Secretary, Kangpokpi, KBC



No. 5 in tahsa hinkho mollemna anatoh tan, KBC Office Campus a President, General Secretary lamkaina in CEC member le Office Staff-ho in opna le lhadohna kin ana neipiuvin ahi.

**3. April 15:** Pi Lhaijahat Haokip, N. Songlung, KBC No. 4 in tahsa hinkho mollemna anatoh tan, Convention akon in Rev. Thangkhosei Haokip, Literature Secretary in opna le lhaomona thu ana seiyn ahi. (L) Lhaijahat Haokip hi Pastor Seiminlen penna nu ahi.

**4. April 19:** Gamsung'a boina hahsatna tamtah ito jing jeh uvin KBC pumpia Pakai angung'a taona ahung kigontoh Ihon in April 19 apat in May 9 changei Gambih 1 apat Gambih 21 chan taogol (Chain Prayer) ahung kibol in ahi.

**5. April 18:** Pi Lhinglam Singsit, Lamphel Imphal, KBC No. 1 in tahsa hinkho mollemna anatoh tan, Convention akon in Rev. Tonglet Haokip, President KBC le Rev. Tongmang Haokip, Men Secretary in opna le lhamonna thu ana seilhon in ahi. (L) Pi Lhinglam Singsit hi Pu Lenboi Singsit, Men Department President penna nu ahi.

**6. April 18:** Pu Semjalet Haokip, Molnom, KBC No. 16 in tahsa hinkho mollemna anatoh tan, Convention akon in Rev. Thongkholun Touthang, Finance Secy., Rev. Lamkeng Lhouvum, Mission Secretary, le Rev. Onkho Haokip, Development Coordinator in vilna le lhamonna thu ana sei uvin ahi.

**7. April 26:** Apat le thilsoh dung jui in KBC Office mun'ah secretary-



ho in Covid-19 le Chassad Rebuilding thua Panel Discussion ana bol uvin ahi.

**8. April 26:** Sepai Group -Kuki WhatsApp Group in Chassad Relief a



ding in Rs. 1,76,380/- (one lakh seventy six thousand three hundred eighty only) KBC office munna ahung thah uvin ahi.

**9. April 29:** Centre Church Sangaikot Silver Jubilee le Houin lutna kin lolhing tah in ana kichai tai. President le General Secretary jaona in



Office Secretary-ho le mun chom chom'a worker phabep jong ana jaovin ahi.

### 10. May 1: CEC kiphatsahna dungjui in Imphal khopi sung mun



phabep ah Covid-19 Frontliners (Police, Doctors, Nurses, Media Personnel) ho kom'a ei thinglhang gamgaho mang cha in thilpha ana kibol in ahi.

### 11. May 2: CEC kiphatsahna dungjui in Churachandpur, Kangpokpi, Moreh, Sugunu, Pallel le mun phabep ah ah Covid-19 Frontliners



(Police, Doctors, Nurses, Media Personnel) ho kom'a ei thinglhang gamgaho mang cha in thilpha ana kibol in ahi.

### 12. May 6: 67th General Assembly Evaluation Committee Recommendation dungjui in KBC Office mun'ah Rev. Tonglet Haokip, President kinthempu hina in Pi Lhingbem Haokip (Women Secretary, In Charge) le Ng. Lhingboi Kipgen, Women Secretary (incoming) kikhutkhelna ana um in ahi.

### 13. May 7: Assam Rifles Eimi Group in Chassad Relief a ding in Rs. 1, 42, 800/- (one lakh forty two thousand eight hundred only) KBC office munna ahung thah uvin ahi.

### 14. May 16: KBC Office Secretary-ho in Shalom Theological Seminary



le Logos Orphanage Home vilna ana nei uvin, hiche achun amaho ding in Relief thil phabep bep ana peuvn chule tilkhouna le taop-ehna jong ahin nei uvein ahi.

# GAMBIH LE CENTRE CHURCH THU LAHKHOM

(April - May)

**1. April 3:** Centre Church Joujangtek chun March 29 apat in April 3 changeiyin Holy Bible pumpi guitanlouhel in ana sim-chai tauvin ahi.

**2. April 5:** Vangset umtah in S. Gelbung, KBC No. 11 a Pu Jamtinlen Haokip te in chu gammei in ana kalha tan ahi.

**3. April 1-6:** Centre Church Tujangvaichong, KBC No. 6 chun Holy Bible pumpi guitanlouhel in ana sim uvin ahi.

**4. April 9-10:** Rev. Pillar Paosei Haokip, Pastor, Gambih No. 11 chun gambih sung'a nupa kop sagi pindan kichen ana bol in ahi.

**5. April 11:** Vangset umtah in Tujangvaichong Centre Church a Pu Kamlal Kipgen chanu Ng. Vahjoujam (28) tahsa hinkho ana mollemtai. Pathen in adalhah insung mite lhamonna pe jing taken!

**6. April 12:** L. Chajang Baptist Church, KBC Gambih No. 2 chun Holy Bible pumpi guitanlouhel in ana sim uvin ahi.

**7. April 14:** KBC Gambih 19 sung'a um houbung phabep: P. Khonomphai Baptist Church, Gangpijang Baptist Church, S. Saisijang Baptist Church, A. Twisomjang Baptist Church, K. Molpi Baptist Church, Ekou Mulam Baptist Church, L. Salemphai Baptist Church, chun Holy Bible pumpi guitanlouhel in ana sim uvin ahi.

**8. April 15:** Vangset umtah in N. Songlung, KBC No. 4 a um Pi Lhaijahat Haokip tahsa hinkho ana mollemtai. Pathen in adalhah insung mite lhamonna pe jing taken!

**9. April 18:** Vangset umtah in Pi Lhinglam Singsit, Lampel, KBC No. 1 tahsa hinkho ana mollemtai. Pathen in adalhah insung mite lhamonna pe jing taken!

**10. April 18:** Vangset umtah in Pu Semjalet Haokip, Molnom, KBC No. 16 tahsa hinkho ana mollemtai. Pathen in adalhah in-sung mite lhamonna pe jing taken!

**11. April 19:** Centre Church Leimakhong, KBC No. 11 a tahsan thah nungah gup in Pastor Thangtinsei khut ah tahsan twilutna ana nei tauvin ahi.

**12. April 19:** Centre Church Sangaikot, KBC No. 11 a tahsan thah ----- in Pastor Thangtinsei khut ah tahsan twilutna ana nei tauvin ahi.

**13. April 20:** Centre Church Tujangvaichong, KBC No. 6 chun Lock-down jeh'a houbung sung'a hahsaho in 18 ho chang tin 80 tobang ana hoppeh uvin ahi.

**14. April 22:** Geljang Baptist Church, Gambih No. 12 mun ah tahsan thah mi gup in Pastor Lhunkhongam Haokip, Gambih Pastor khut ah tahsan twilutna ana nei uvin ahi.

**15. April 23:** Khopijang Baptist Church, KBC No. 21 mun'ah Pi Nemvah in angailut tah (L) Thangminlen Haokip hetjingna ding'a atundoh Prayer Cabin chu Pastor Tingoulen Haokip, Pastor, Centre Church Sangaikot, KBC No. 11 in ana thenso tai.

**16. April 23:** Centre Church Hill Town, KBC No. 9 chun Lock-down jeh'a houbung mi Inbul jouse anme le thao phabep cheh ana hoppeh uvin ahi.

**17. April 24:** Bongpijang le L. Chahnoujang Baptist Church, Gambih No. 12 mun ah tahsan thah mi nga in Pastor Lhunkhongam Haokip, Gambih Pastor khut ah tahsan twilutna ana nei uvin ahi.

**18. April 26:** Aigejang Baptist Church, KBC No. 12 chun Pastor Lhunkhongam Haokip, Gambih Pastor kinthempu hina in Muchi Iha Kut le Ng. mini akon in Tahsan Twilut kin ana bol uvin ahi.

**19. April 26:** Khaopijang Baptist Church, KBC No. 8 chun Gl. Mi li le Nupi 1 agom'a mi nga Rev. Dr. Paotinthang Chongloi kinthempu hina in tahsan twilut ana bol uvin ahi.

**20. April 29:** Centre Church Sangaikot, KBC No. 11 Silver Jubilee le Houin thah lutna lolhing tah in ana umtai.

**21. April 30:** Vangset umtah in Lungngil Baptist Church, KBC No. 11 a um Pu Jangkholun Baite (Gambih Treasurer) tahsa hinkho ana mollemtai. Pathen in adalhah insung mite lhamonna pe jing taken!

**22. April 30:** Gambih No. 1, 2, 3, 4, 7, 19 in Thilpha bolna ding thinglhang gamgaho KBC Office mun'ah lolhing tah in ana thah lut uvin ahi.

**23. April 30:** Mata Lambulane Baptist Church, KBC No. 9 a GL Khaiminthang le Ng Hoijavah chun Pastor Tonglal Haokip kinthempu hina in Holy Marriage ana bol lhon tai.

**24. May 1:** Gambih No. 5, 6, 8, 9, 10, 12, 13, 14, 15, 16, 20, 21 in Thilpha bolna ding thinglhang gamgaho ama gamkai ngahmun cheh ah lolhing tah in ana thah lut uvin ahi.

**25. May 2:** Centre Church NGV, Gambih No. 1 chun houbung mite anchang kg 10 cheh ana hop peh uvin ahi.

**26. May 3:** KBC Gambih No. 8 sung'a P. Geljang Baptist Church in Houinn thah anasah chu 3rd may 2020 Sunday 11:am in Rev Dr. P. Chongloi Gambih no. 8 Pastor kinthempu hina in hon-dohna ana umtai.

**27. May 3:** Pangjang Baptist Church a numei 8 le pasal 12 agom'a mi 20 in Rev Henjalen Doungel, Gambih pastor kin-



thempu hina in tahsan twilutna ana neitauvin ahi.

**28. May 3:** Gambih No. 14 a um New songjang, Molpi le Song jang houbung a nungah Gollhang agomma mi 14 chun Pas-



tor Lamkhogin Haokip kinthempu hina in tahsan twilut ana bol uvin ahi.

**29. May 3:** Centre Church New Lambulane, KBC No. 1 chun houbung sung'a mi phabep (Inbul 45) ho chu anchang theng kg 10 cheh le anme phabep cheh ana pedoh uvin ahi.

**May 4:** Vannoi pumpi Lockdown ahitohlhon in thagum aneh kihol a kivah hojong akiboigam tan meitShai holeh Pakailha-cha anatong a anakichol taho leh tuleh tu a Pastor C/C Salem Sapormeina a umho aniveichan na ahitohlhon in In 23 tobang thilpeh ana peuvina ahi.

**30. May 6:** Matalambulane Baptist Church mun ah Gl. Lunkhogen le Ng. Nengkim in Pastor Tonglal Haokip kinthempu hina in Holy Marriage ana neilhon tai.

**31. May 7:** Ng.Nengneichong @ Chongpi Moreh Baptist Church, Gambih No.15 chu Rev. Thanglen Haokip, Gambih Pastor kinthempu hina in Hou Dantheng in Ihahna le vang thumpehna kin ana um in ahi.

**Hetding** - Centre Church le Gambih Thu lahkhom hi aphot dungjuiya KBC Thuso whatsapp group ahilouleh Jt. Editor le Technician kom'a hinpelut-ho achomlam tah a hung kitahlangna ahi.

## KBC IN COVID- 19 DOUDAL LE MIPI DING'A PANLAHO CHUNG'A THILPHA ANA BOL

*May 1 le May 2 nikho in Manipur sung'a Covid-19 natna doudal le mipi ding'a asun ajan'a pan la jing, Police-ho, Medical Staff-ho le Media Personnel-ho chung'ah KBC in ngahmun phabep ah thinglhang anche louhingho mang cha in amaho chung'ah thilpha ana kibol in , Pathen jal in lolhing tah in ana kichai thei tan ahi.*

**Ngahmun 1:** May 1 nikho in KBC Gambih No. 1,2,3,4,7,19 kigomkhom-ho in ahin donkhom'u thinglhang anmeho jouse Imphal khopi sung'a Imphal East Police Head Quarter, SP office, Imphal West Police Head Quarter, SP office, RIMS Medical Director le staff-ho, United Committee Manipur (UCM) office, Christian Medical Center (CMC), Christian Hospital Imphal (KCC), Sajiva Jail le Thangmeiband Mission Field a umho chung'a thilpha bolna thilpehna ana bol uvin in ahi.

Rev. Tunlal Haokip, Pastor, Gambih No. 1, Rev. Satminlen Khongsai, Pastor, Gambih No. 2, Rev. Henjalen Dounghel, Pastor, Gambih No. 3, Pastor Khuptinlal Hangshing, Pastor, Gambih No. 4, Pastor Benjamine Chongloi, Pastor, Centre Church Joujangtek, Pastor Letkhoson Haokip, Pastor, Gambih No. 7, Pastor Ngulpao Haokip, Pastor, Gambih No. 19 chule Gambih executive-ho, Centre Church Deacon-ho le lamkai dang dang in April 30 nikho in gambih cheh akon in Imphal KBC Office mun ahin lhut cheh uvin ahi. May 1 nikho in Rev. Tonglet Haokip, President, Rev. Dr. M. Thongkhosei Haokip, General Secretary, Rev. Tongmang Haokip, Men Dept. Secretary, Rev. Lamkeng Lhouvum, Mission Secretary, Rev. Lunkhosei Tuboi, Youth Secretary, Rev. Onkho Haokip, Development Co-ordinator chule Office Staff-ho le adang dangho in lolhing tah in ana lamkai uvin ahi.

**Ngahmun 2:** May 2 nikho in KBC Gambih No. 12, 13 & 21 in Sugunu a Police Station a Police ho, Commodo-ho le Medical Staffs-ho, Chapikarong police station a police, Doctor le SDO staff ho chung'a thilpha bolna thilpehna ana bol uvin in ahi. Rev. Onthang Haokip, Pastor, Gambih No. 21, Pastor Letkholal Haokip, Pastor, Gambih No. 13 le Pastor Lhunkhongam Haokip, Pastor, Gambih No. 12 chule Gambih thumhoa gambih executive member-ho le lamkai dang dang in ana lamkai uvin ahi.

**Ngahmun 3:** May 2 nikho in KBC Gambih No. 9 le 10 in Churachandpur

sung a Police Station a Police ho le District Hospital a Medical Staffs-ho chung'a thilpha bolna thilpehna ana bol uvin in ahi. Rev. Thangkhogin Touthang, Pastor, Gambih No. 10, Rev. Tonglal Haokip, Pastor, Gambih No. 9, Rev. Mangpithang Haokip, Pastor, Centre Church Hill Town chule Gambih tenia Gambih Executive member-ho le lamkai dang dang in ana lamkai uvin ahi.

Churachandpur District sung'a thilpha kibolna banjom in KBC Gambih No. 8 in Kangvai Police Outpost, Bishnupur District SP noiija Phouchaikhai Police Station, Moirang Police Station, chule Bishnupur SP Office cheng le Churachandpur-Imphal line a um Meilhei Church 5, Imphal a Babina Diagnostic Center neipa le staff ho, Pu Vumlunmang IAS, Principal Secretary, chule Pu Suresh Babu, Chief Secretary chung'a thilpha bolna thilpehna an abol uvin in ahi. Rev. Dr. Paotinthang Chongloi, Gambih Pastor le a inneipi Evan Chingboi le lamkai dang dang in ana lamkai un ahi.

**Ngahmun 4:** May 2 nikho in KBC Gambih No. 5 le 6 in Kangpokpi District sung'a DC office, SP Office, Kangpokpi Police Station, Mission Hospital, District Hospital, SBI chule KTC, KWWO le KYU office ho chung'a thilpha bolna thilpehna an abol uvin in ahi. Rev. Lamkeng Lhouvum, Mission Secretary, KBC, Pastor Thangminlal Haokip, Pastor, Gambih No. 5 le Pastor Letminlal Khongsai, Pastor, Gambih No. 6, Pastor Mangcha Tuboi, Pastor, Centre Church Tujangvaichong chule Gambih tenia Gambih Executive member-ho le lamkai dang dang in ana lamkai uvin ahi.

**Ngahmun 5:** May 2 nikho in KBC Gambih No. 16 le 20 in Kakching Police SP le Adl. SP, Tegnoupal Police SP, Machi Police OC, Tegnoupal CMO, Kakching CMO, Chandel CMO, Jivan Hospital, Pallel PHC, Komlathabi PHC ho chung'ah thilpha bolna thilpehna ana bol uvin in ahi. Rev. Tongmang Haokip, Men Dept. Secretary, KBC, Rev. Onkho Haokip, Development coordinator, KBC, Pastor T. Thangkhomang Haokip, Pastor, Gambih No. 16, Rev. Lettinlal Chongloi, Pastor Centre Church Molnoi Area chule Gambih tenia Gambih Executive member-ho le lamkai dang dang in ana lamkai uvin ahi.

**Ngahmun 6:** May 2 nikho in KBC Gambih No 14 le 15 in Moreh Town Police Station a police-ho, Civil Administration a natongho, Moreh Hospital Medical Staff-ho le Media Personnel-ho chung'ah thilpha bolna thilpehna ana bol uvin in ahi. Rev. Thanglen Haokip, Pastor, Gambih No. 15, Pastor Lamkhogin Haokip, Pastor, Gambih No. 14, Pastor Thangtinlal Haokip, Pastor, Centre Church Chavangphai chule Gambih tenia Gambih Executive member-ho le lamkai dang dang in ana lamkai uvin ahi.

## KUKI CHRISTIAN-HO THUSIM'A AMASAPENHO

(Lhakit leh banjom ding)

1. 1947 kum in Naga Kuki Association atum tum a kipoh theina ding'a kikhenna masapen Sarungpang a Missionary Pu Anderson lamkaina in kikhopna a anaum in ahi.
2. Evan. Pakho Sitlhou chu Rongmei-Naga holah'a Missionary masapen anahin aman amaho paovin Kukite La Lathah analedoh peh in Rongmeiho Labu masa pen "Raguang Lu" ana semdohpeh in tuni chan gei in amang jing nalai un ahi.
3. Manipur Kuki Baptist Christian-ho lah a Evangelist na anatong masapen chu Nagaland a kon hung Pu Seikholet Singson ahin Manipur Kuki Baptist Christian-ho ding'a Pioneer Missionary masapen jong ahitai.
4. Kuki Christian Organisation (KCO) hi 1949 kum'a Manipur Kuki Baptist Christian-ho lah'a khoppi kiphutdoh masapen ahi. Hiche KCO chu Kuki Christian Association (KCA) a hung kikheldoh son a ahi.
5. 1950 kum in Pu Anderson panna in South Changoubung Houbung a KCA khoppi masapen ana kibol khoppi min KCA chu Kuki Baptist Association (KBA) in ana kikhel in ahi.
6. Kukiho Association a ahung kipoh jou un Motbung chu KBA Centre masapen in ana kinei in chule Yaingangpokpi chu Phaicham Centre in ana kimang in ahi. Hiche Center teni sahdozna ding chun American Baptist Mission le CBCNEI a kon in kithopina masapen Rs. 12, 000/- cheh ana kimu in ahi.
7. North East Baptist Association, Manipur (NEBAM) a Kuki le Naga (Tangkhu) Association khat ana umkhom chu 1953 ana kikhen tah jeh in 1954 kum in Kuki hon "North East Kuki Baptist Association, Manipur (NEKBAM) hinsemdoh uvin hichu Manipur Sah-so gamkai a Kuki-ho kiloikhom na masapen ahung hitai.
8. Kuki Baptist Christian hon "Convention" neidohna ding'a kihouna masapen chu KBA lam in Kangchup Inspection Bunglow (KIB) NEKBAM lam'a Zalenbung Houbung a kikhopna ana nei-uva alang nigel'a kiphatsna ana um jeh'a Convention hung kiboldoh ahi.
9. NEKBAM le KBA kinoptona dungjui a NEKBAM le KBA chu ana kisubei a March 16, 1958 nikhoa Tujangvaichong mun a Kuki Baptist Convention (KBC) a kipumkhatna ana kiphutdoh ahi.
10. September 25, 1957 nikho a Rev. Chance in ordain anabol Pu Seikholet Singson chu Manipur Baptist Christian ho (Kuki, Naga le Meitei) lah'a Ordain kibol masapen ahi.

## LHAGAO HINKHO PUI HING THEI THUGOLHO

01. Tunia hi mi minthang na hilou maithei ahi, lekhabu jih them na hilou maithei ahi, thusei them na hilou maithei ahi, mi hoi na kihisah lou maithei ahi, mi haosa nahilou maithei ahi, ahinlah nang chu nang na hin, Nang na hinapa hi phatea na manchah leh nikhat leh nang thu sim hi midanghon asah diu, aji diu, aphondoh diu, ahinpi dingu ahi.

02. Na chamlat nomleh na hinkho achesa sung'a chun kikulkhup den hih in. Vah na mu nom leh achesa na hinkho muthim lah chu dalhatan.

03. Na kholjinna lampia na kalsonbe nom leh na nung'a na poh pohgiho chu solhan. Midangho alolhin nom lou uva, nang toh lam ahin jotkhom nom lou uleh dalha tan, nang hinkho chu aphapen in kisemtup chet in.

04. Na insung'a gucha na lutsah, adei dei na kilahsah louhel ding ahibang in na lungsung le na hinkhoa lunggel lamang theiho chu lutsah hih in.

05. Phulahna ding'a aphapen chu na dalhah thei jouse na dalhah'a hinkhoa na kal na son jing ding chu ahi.

06. Hinkhoa akipahpenho khu ahaopenho ahipouve, ahinkhoa kal-song jing theiho ahiuvin ahi.

07. Hinkho chesa chu achesa ahitan, ahung lhung ding chu phatea nana leim a na manchah ding bou vat ahitai.

08. Nang in phu nalah a chule thil kibol jouse na hinkhoa na chin den gunkei leh agenthei pen na hi ding ahi.

09. Hinkhoa hi thilpha jeng jeng kimu thei lou ahi, ahinlah thil soh jouse chu ipi jeh'a soh ham tia ajeh na het them leh hichea chu kihilna le chamna um kit ahi.

10. Thil jouse aphaat jeh'a kipa ding ahapon, thil jouse sung'a thilpha hung doh thei ahijeh'a kipa ding joh ahi.

## KIPA THUPHON

April 27, 2020 nikhoa CEC kilolna (1/52/KBC-RELIEF/2019-20) dung juiya Manipur sung'a Covid-19 natna doudal le mipi ding'a asun ajan'a pan la jing, Police-ho, Medical Staff-ho le Media Personnel-ho chung'a KBC in jokham kham'a thilpha bol ding ana kiti chu Pathen phatna le amun amun'a lamkaiho le mipiho hapanna jal in May 1 le May 2 nikho in mun phabep ah lolhing tah in ana kibol chai thei tan, Pathen thangvah in um hen.

CEC kilolna le Office akon lekha thot-ho hung kisol dung juiya mun tin'a KBC Houbung mite in phunchel lou hel, thadana imacha ne-ilouhel le ka chol'e tilouhel'a eima umna mun cheh uva gonoi meinoi hihen, ninoi lhanoi hihen, ajing ajan hijongleh, thousi vaisi lah hijongleh, sumlepai leuna hijongleh chule mun gamla tah'a kalsonna hijongleh khohsahna neitah le kithungaitah'a pan inalahkhomnau jal un natoh lentah akitong doh tan, na bonchau chung'a kipa thu sangtah in ahung kiphong in ahi.

Mun jousea thilpha kibol jou lou ding ahijeh in Manipur sung'a mun phabep ana kilhengdoh in, hiche munho (Imphal, Moreh, Pallel, Sugunu, Churachandpur le Kangpokpi) a thil ijakai ana sutoh le mipi ana lamkai chule anikho changeiya panna thei jousea anapang Gambih le Centre Church Pastor-ho, Gambih Executive-ho le houbung lamkaiho jouse chung'a kipa thu sangtah in ahung kiphong in ahi. Chule amun amun'a lamkaiho tohvaihomna dungjuiya natong le anme le thil ijakai sutoh'a anapangho: Nute, Pate chule nungah gollhangho jouse chung'a jong kipa thu sangtah in ahung kiphong in ahi. Thilpha bolna ding mun kiseisaho tilouva jong ahoi ding le aphot ding gelna jeh'a mun dang phabep'a thilpha ana bolho chung'a jong kipa thu sangtah in ahung kiphong in ahi.

Tuchung thil kibol hi Government le Phaicham mite chule Media-ho toh kikhaoguijopna ahijeh in KBC le amaho kah'a palai ding ana kingaicha lheh in hiche akhohlaitah'a eina kithopiu eimi Officer le lamkai phabep: Pu Khaimang Chongloi, KIM President, Pi Chinneivah Haokip, ADC Member, Gl. Thangkhochoon Haokip, MPS, Pu Mangpu Khongsai, MPS, Ms. Hasby Haokip, MPS, Dr. Vumhoneh Haokip, le adang dangho in nasatah'a eina kithopiuva chule eina tosot jeh uvin tuchung thil kibol hi mipi hetthei le midangtoh kikhaoguijopna akisemdohbe in ahi. Amaho jouse chung'a kipa thu seijoulou akiphong in chule Pathen in mai lam'a jong thilpha bol jing thei ding in phatthei boh jing uhen!

CEC kilolnaho jouse natoh'a hinsodoh le tohvai hin hom ding'a ngan-sena ana kipe Office Secretary-ho in anikho changeiya amun amun'a chol le nang'a kal song'a tohthei tong'a, sei thei thei sei le lungthim le tha'a panla CEC member-ho, Office secretary-ho chule natoh le thil ijakai sutoh a pang Office Staff-ho jouse, Office Campus sung'a umho, Adimjati Hostel'a gollhangho chung'ah kipa thu sangtah in ahung kiphong in ahi.

Pathen in eipeh'u gamga le anche louhing ineihou mang cha'a thil-pha ibolnau hi Pathen natoh le mipi natohna'a iman chah'u ahin hiche natoh le tohgon lolhin theina ding'a tha le jung, sum le pai, nei le gou, phat mantam le taona'a pan hinlaho jouse chung'a Pathen min in kipa thu ahung kiphong in panla jouse Pathen in phatthei boh jing tauhen!

Pathen in KBC houbung mite vannoi vah'a pang jing thei ding in phatthei boh jing taken!

*Rev. Dr. M. Thongkhosei Haokip,  
General Secretary, Kuki Baptist Convention*

## ***Taona ngaicha***

### **TAHSA DAMMO TAONA LE KITHOPINA NGAICHA**

Evan. Helun Chongloi, Churachandpur, KBC Gambih No. 8 in December 2019 akon in alol (Neck) natna (Thyroid) dammona ana nei jeh in Advanced Hospital, Imphal muna Operation ana challha in ahi. Hiche jou chun RIMS Hospital a akijen jom in achaina in Delhi khopia AIMS Hospital muna'h aga kijen kit in tuni chan in dam theng louvin aum in ahi. Thyroid natna jengseh hilouvin BP jong asang jing in chule kolnat (Pile) natna jong anei in ahi. Pathen lenggam na atohna kalsongbe thei talou le insung dinmun machal thei talouva aum jing lai in houbung mite in Pathen heng'ah taona in kop jing ute. Chule s sumlepaiya panla thei thei injong ijo kham kham uva ikithopi thei u ahi. (Tuletua aumna Changleiveng, CCPur, Mobile Number – 9366091514 | SBI A/C No.38319336789. IFSC Code. SBIN0006182).

## Centre Church Sangaikot

Achesa nisim 29th April (Wednesday) 2020, 10:00 am nidan tah in KBC Centre Church Sangaikot, houbung miten Houin thah Thensona le Kum 25 Ihinna Silver jubilee anamang uvin ahi. Hiche kingon hi anai, agamla akon in lockdown lai hijongleh mipi tampin ana op-



khom uvin ahi. Hiche kingon ahin, Houin thah Thensona Rev.Dr.M. Thongkhosei Haokip, General Secretary KBC in hondohna ananeijin, Houbung kum 25 Ihinna songpi Rev. Tonglet Haokip, President KBC in hondohna ana neijin, Mission and Evangelism kum 25 Ihinna Rev. Lamkeng Lhouvum, Mission Secretary KBC in ana hongdoh in, Men Department kum 25 Ihinna song Rev. Tongmang Haokip, Men Department Secretary in hondohna aneijin, Women Department kum 25 Ihinna song Rev. Thongkholun Touthang, Finance Secretary KBC in hondohna ana neijin, Youth Department kum 25 Ihinna song Rev. Lunkhosei Tuboi, Youth Secretary KBC in hondohna ana neijin ahi. Chubanna, Decade Anniversay song hi Pastor Tingoulen Haokip, Pastor Centre Church Sangaikot in hondohna aneijin, chule kum 25 Ihinna melchih jing nading Souvenir hi Rev. Pillar Paokhosei Haokip, Pastor KBC No.11 in thensona ana neijin ahi.

Lockdown lai ahin, hijongleh khohsahna neitah a hung kalsong Convention lamkai ho, Gambih Pastor ho, Centre Church Pastor ho chungga kipathu ahung kiseijin ahi. chubanna, hiche kingon lolhinna dinga ham le vang eichan uva Chung Pathen henga kipathu iseijuvin ahi. seikhel seival seilhinglél aumleh ngaidam.

KBC Pathenin mangcha jom jing taken, Amen!

Pastor Tingoulen Haokip,

Pastor KBC Centre Church Sangaikot, Gambih No.11.

# PENSION ANA CHE LHONTA



*Rev. Ngamjapao Haokip*



*Rev. Paojangam Haokip*

March 12: Rev. Ngamjapao Haokip, Former General Secretary le Rev. Paojangam Haokip, Former Mission Secretary in tahsa kum kumsomgup chan Pathen na ahintohna Ihon'a Pathen thangvahna le Pension pehna KBC Chapel Hall mun'ah lolhlin tah in ana kimang in ahi. Pathen in anatohna Ihon ahin mapui jingna ban Ihon'a hinkho damsel'a pension ache thei Ihon jeh in Pathen thangvah aum in chule Pakai lhacha teni le insung mite jong mailam hinkhoa Pathen in phatthei boh jom jing Ihon taken.

## WOMEN DEPARTMENT SECRETARY KIKHUTKHELNA



May 6, 2020 nikho in KBC office munnah Women Department Secretary kikhut khelna aum in ahi.

Minister - Rev Tonglet Haokip, president, KBC  
 Outgoing Secretary- Ms Lhingbem Haokip  
 Incoming Secretary- Ms Lhingboi Kipgen

# KBC MEDICAL CHAPLAIN

*Pastor Thanggoumang Haokip*  
*Contact Number - +91 93665 38914*



Tukum apat KBC in Office mun'a Medical Chaplain khat ineipan'u ahitoh Ihon in dammo veisetna chule Imphal sung'a Hospital mun hihen Gambih le houbunghoa dammo jeh'a Imphal hinjonho le Imphal akon inlam kile ding boina neiho in kijahmatpi jing ding ahi. Ama hi akhoh dungjui le ngaichat ahidungjuiya Imphal khopi sung'a panla ding ahin, munchom le gamchom'a kikou-doh le kithahsah ding vang ahipoi. KBC mi jouse ding'a panla jing ding ahitoh Ihon'a tosot cheh ding'a pha ahi. Medical Chaplain hi KBC Holistic Development Committee vetsuina noiya um ahi.

## HET'A PHA

**2019 KBC Statistic dungjui in tule tua KBC sung'a houbung 300 aum in, inbul 9797 aum in, Houbung mihem 52,813 aum in chule Baptized member 30,172 aum in ahi.**

(L) Rev. Yangkhongam Haokip  
**Hinkho Thusim Chomcha**



Rev. Yangkhongam Haokip hi (L) Pu Ngamkholun Haokip leh (L) Pi Veikhoneng Haokip laigil ga chapa get (8) lah a ama changseh leh asopi numei li (4) ana hingdoh un ahi. Nisim 6th June, 1949 nikho'a Nungou Kuki Village, Ukhrul District, Manipur mun'ah ana pengin ahi.

1956- 1959 kum sungin Nungou Government L.P School'a Class-A apat Class-II anasim in, 1960-1962 kum sungin Shangshak Government M.E School'a Class-III apat Class-V changei anasim e. 1963-1966 kum sungin Motbung Government Aided High School'a Class-VI apat Class-VIII chan anasim in, 1964 kum'in Pastor Thongkhongam Haokip khutna baptized ana chang'e. 1967-1968 kum sungin Johnstone Night High School'a Class- IX apat Class-X chan anasim e. Nisim 22nd March, 1971 kum'in Miss Neikhoneng Haokip toh houdan thengin Pastor Chungkholet Chongloi (Khomunnom vangkho) khutna Nungou Kuki Village mun'ah ana kicheng lhone. Pathen gouchin chapa nga (5 sons) leh chanu thum (3 daughters) anei lhone, amaho chu: Nengneikim Haokip, Lunminthang Haokip, Letkhogin @ Ginneo Haokip, Lalhmachhuana @ Mabawi Haokip, Nengminthang @ Roselyn Haokip, Lungoulal Haokip, Vahhoithem @ Grace Haokip leh Paotinmang Haokip ahiuve.

1972-1973 kum sungin D.M. College, Imphal mun'ah PUC anasim in, 1976-1980 kum sungin Eastern Theological College (ETC), Jorhat mun'ah Bachelor of Theology (B.Th) ana chajjin, 1982-1984 kum sungin Eastern Theological College ma ma in Bachelor of Divinity (B.D) ana chajjin ahi. 1984-1988 kum sungin Junior lecturer in Manipur Theological College, Kangpokpi mun'ah ana pangin, 1989-1990 kum sungin Principal in-charge, Manipur Theological College ana tuh in

ahi. 1991-1993 kum sungin Post Graduate Studies of Rural Development (RD) Ranchi, Bihar (tua Jharkhand) mun'ah ana sim e.

KBC houbung sunga houna ahintoh toh kilhonin September, 2000 apat November, 2001 sungin Study Leave in USA'a ana chen, 2006-2008 kum sungin Chairman, Kuki Christian Leader's Fellowship ana pangin, 2003-2007 kum sungin Board Member, Kangpokpi Mission'a ana pangin, 2009 kum'in KBC Annual Assembly Moreh'a pension ana chetan ahi. Rev. Yangkhongam Haokip hi Kangpokpi Ward No. 1 (Phaicham Veng) mun'ah akhosa in, Pathen phatthei boh jallin Tu (grandchildren) som le ni (12 grandchildren) aneijin ahi.

Vangset umtah in April 7, 2020 nikho in RIMS Hospital Imphal munah lungchang natna akon damdoh jou talouvin Pa kom'a choldo ding in angailut cheng dalha'n ana che masatai. KBC sung'a lamkai suhmil theilou ahinaban'a General Secretary posa anahina jal in KBC Compound, Imphal munah CEC member-ho le mipi phabep in opna le vailhana ana kibolpi in ahi. Pathenin adalhah insung mite jouse lungmonna pejing tauhen.

## **KBC sunga atohmun, Amun, Gambih leh Akum**

| <b>Sl. No.</b> | <b>Position</b>       | <b>Ministry</b>                   | <b>Year</b>        |
|----------------|-----------------------|-----------------------------------|--------------------|
| 01             | Junior Lecturer       | Manipur Theological College       | 1984 - 1988        |
| 02             | Principal (in-charge) | Manipur Theological College       | 1989 - 1990        |
| 03             | Men Secretary         | Kuki Baptist Convention           | 1994-1996          |
| 04             | Finance Secretary     | Kuki Baptist Convention           | 1996-2000          |
| 05             | Church Pastor         | C/C, New Lambulane Imphal         | Mar. – Sept., 2000 |
| 06             | Church Pastor         | Centre Church, Kangpokpi          | 2002-2006          |
| 07             | General Secretary     | Kuki Baptist Convention           | 2006-2009          |
| 08             | Member                | Kangpokpi Mission Board           | 2003-2007          |
| 09             | Chairman              | Kuki Christian Leaders Fellowship | 2006 -2008         |
| 10             | Vice- President       | Manipur Baptist Convention        | 2008-2009          |
| 11             | Retirement from KBC   | KBC Annual Assembly, Moreh        | 06.06.2009         |
| 12             | President             | Manipur Baptist Convention        | 2012-2013          |
| 13             | Member                | Executive Committee, KBC          | 2009-2018          |
| 14             | Chairman              | Theological Board, KBC            | 2015-2018          |

# Thuso Thudol'a Hetsahna

February 26, 2020 nikhoa KBC Thuso Editorial Board kiphatsahna dungjuiyin Thuso hi nasatah'a semhoibe ding akigel toh Ihon in houbung mite tosotna nasatah in akingaicha in ahi. Lhaseh Thuso thua het ding'a phaho:

1. Editorial um jing ding a ahin, Article khat le sermon ni um jing ding ahi.
2. Cover tilou Thuso asung (content) a picture (lim) kiha jaosah talou ding ahi.
3. Thuso sung'a Department-ho thudol, Centre Church-ho thudol, Gambih-ho thudol hetna ding mun akipe in, ama ama dinmun'a thuso sonomho in lha jousea nisim 1 (Date 1) a Jt. Editor le technician kom'a pehlut cheh ding ahi. Whatsapp a penomho in **9862107393 / 8837293764** a thot thei hiding ahi.
4. Article hihen Sermon hijongleh chule tahsa le lhagaova machalpi thei le phatchompi theiho hin sun nom jouse in asut thei cheh ahi. Ahung kisun jouse chu sotei tei ding tina hijeng louva Editorial Board in vetchilna aneiya angaichat leh edit jong abol thei ding'u ahi. Whatsapp a penomho in **9862107393 / 8837293764** a thot thei hiding ahi.
5. Article, Sermon, Report le adang dang hin sun jouse in ahithe channa soft copy a hin thot ding ahin chule ahithe channa spelling hihen thuche dan hileh semtupsa cheh a hinpeh ding ahi. Thu kisun jouse adihna hihen adihlouna hileh asunho mopohna hiding ahin, Editorial Board mopohna hilou ding ahi.
6. Thuso hi houbung mite in atam theipen'a sim ding akidei toh Ihon'a member-hon ilah cheh ding uva tem ihiuve. Chule houbung-ho a Department jouse jong copy hung kithot cheh ding ahin kipah tah a ana sim cheh ding'a tem ihiuve.

~ Jt. Editor

## KIPA THUPHON

Achesa nisim 2-5-2020, nin KBC Gambih no. 16 & 20, kigom in Tuchung Covid -19, front line Heros, hon asun ajaan a Gamsung vengtup le vetup a pangho KBC CEC, thupeh dungjuijin Gambih 16 & 20 sung a houbung hon ahin pohlut thinglhang a kimu anche louhing chule adang dang ho hopdoh na kin chu lolhing tah in gambih 16, Office pallel mun a Rev. Tongmang Haokip KBC M/D. Secy. Le Rev. Onkho Development Secy, Rev. Lettinlal C/C Molnoi le Pr. T.Thangkhomang Haokip gambih pastor chule gambih lamkai ho Cheng toh a na ki nei utoh ki lhon in Media Coverage (ISTV) Jong ana ki mangcha tai, Gambih tenia houbung ho na pot tho jal uva hiche program lolhing ahi jeh in nachung cheh uva kakipana kahin phong in pathen in phatthei naboh Jing tau hen, phat kit teng jongle hung pang Jing dinguvn tepna Jong kahin nei kit ne.

Pakai ja natoh khompiu,  
T. Thangkhomang Haokip,  
Pastor KBC no.16

## KIPA THUSEINA

April 29, 2020 nikhoa S. Gelbung a Pu Jamtinlen in mei kah lhahna chung'a Office secretary ho in Sangaikot mun'a vilna ana kineinaa lampi boina theijouse akon eina suh ongpeh u le eina kithopi u Pu Christopher Doungel, ADGP chung'ah kipa thu sangtah in ahung kiphong e. Pathen in mailam ajong phatthei boh jing taken.

**Advertisements**

**MANIPUR THEOLOGICAL COLLEGE**

Kangpokpi, Manipur

**ADMISSION OPEN**

FOR

**THE ACADEMIC SESSION 2020-2021  
COURSES OFFERED**

Bachelor of Divinity  
Master of Divinity  
Master of Theology

Contact : Rev. Dr. Letthang Haokip  
Principal, MTC (8132905347)

**Shalom Theological Seminary**

Sapormeina, Kangpokpi District, Manipur

**ADMISSION OPEN**

FOR

**THE ACADEMIC SESSION 2020-2021  
COURSE OFFERED**

**Bachelor of Theology**

CONTACT Rev. Haoneo Haokip  
Director STS  
9089593092/7005525033

Rate for Advertisement

Half Page

-

Rs. 500/-

Full Page

-

Rs. 1,000/-

Contact : 9862107393



Post Regd. MNP/81  
Regd No. 18134/88



Hou in thah lutna Nisim 3 May nikhoa Gambih No. 8 a  
P. Geljang Baptist Church chu Rev. Dr. Paotinhang Chongloi  
Kin thempu hinan kilom tah in Kot hon na ana um in ahi.

If undelivered, please return to

**The Editor. KBC Thuso**

KUKI BAPTIST CONVENTION

Opp. DM College, Imphal - 795 001

Contact: 9862633173